

ЧИҚИНДИХОНА ТАРТИБГА КЕЛТИРИЛДИ Бағдод тумани ҳокимлиги Ахборот хизматининг расмий билдириши

Ижтимоий тармоқда “Тоза ҳудуд” деган ташкилот ишлайдими ўзи?” сарлавҳаси остида эълон қилинган хабар юзасидан Бағдод тумани ҳокимлиги Ахборот хизмати қуидагиларни маълум қилади:

Фарғона вилояти “Тоза ҳудуд” ДУК Бағдод тумани филиали тасарруфига туман марказидан 15 км. узоқликдаги Қизилтепа массиви ҳудудидан қишлоқ хўжалигига фойдаланилмайдиган 2 гектар ер майдони ажратилган ва йиғиб олинган маиший чиқиндилар шу жойда тўпланади. Чиқиндихона темир тўсиқлар ёрдамида тўлиқ ўраб олинган, кириб-чиқиш учун алоҳида дарвоза ўрнатилган, белгиланган штат бирлиги асосида қаровуллар бириктирилган.

Август ойининг иккинчи ярми аввалида филиал тасарруфидаги бульдозер бошқарма раҳбариятининг ёзма топшириғи асосида қўшни туманга хизмат сафарига юборилган. Табиийки, маҳсус техника 2 ҳафта давомида хизмат сафарида бўлгани сабабли, чиқиндихонада маиший чиқиндилар тўпланиб қолган ва бу ҳолат кенг жамоатчиликнинг ҳақли эътиrozларига сабаб бўлган.





Бу бўйича “Тоза ҳудуд” ДУК вилоят бошқармаси раҳбариятига зудлик билан ёзма равишда мурожаат қилинди ва 2 сентябрь куни филиал тасарруфидаги бульдозер хизмат сафаридан чақириб олиниб, чиқиндиҳона тартибга келтирилди.

Бағдод тумани ҳокимлиги Ахборот хизмати.

2020-09-05 13:01:24